



Qırım evlâdı

V нешир февраль 2018 с.

Тиль—акъыл теразесидир.

Номан Челебиджиханнынъ ольген кунюнден 100 йыл


Номан Челебиджихан 1885 сенеси Ор уездининъ Сонакъ коюнде догъды. Ерли мектепте, сонъра Кезлев медресесинде тасиль алды. 1908-1916 сенелери Истанбул ве Санкт-Петербург университетлеринде окъуды. Укъукъ ве тиббият фенлерини мукеммель огренди. 1908 сенеси Джафер

Сейдамет ве башкъа къырымтатар генчлери иле тюрк инкъилябында иштирак этти. Айны заманда «Къырым талебеджемиети»ни тешкиль этип, халкъымызны чар

укуметининъ зулумындан къуртармакъ ичюн чалышты.

1917 сенеси Номан Челебиджихан Къырым муфтиси ве сонъра Къырым мусульман Иджра Комитетининъ реиси

оларакъ сайланды. Укумет башында олгъанда, миллетимизнинъ вазиятини бус-бутюнденъиштирмек ве миллий медениетимизни инкишаф эттирмек ичюн буюк гъайрет ве себат косьтерди. 1918 сенеси февраль 23 куню Номан Челебиджихан болъшивиклер тарафындан кийикджесине къатиль этильди.



Номан Челебиджихан озь шиирлерини генчлик чагъындан язмагъа башлады. Буюк истидат иле язылгъан лирикасы фельсефий ми-

заджы иле айырылып тура. Бир сыра эсерлеринде ватанперверлик гъаелери гъает теренлик иле бериле.

Онынъ «Ант эткенмен»

шиири шимди халкъымызнынъ миллий гимнидир. «Чобан къыз», «Бастырыкъ», «Татарлар юрду», «Ёлджугъарип», «Сары ляле», киби шиирлеринде индже лирика иле юксек миллий пафос ве азаделик нагъмелери теренном этиле.

Номан Челебиджиханнынъ 1913 сенеси язгъан «Къарылгъачлар дуасы» икяеси акъкъында Джафер Сейдамет бойле деген эди: **«Бу икяе къырым тюрклери эдебиятынынъ ольмез бир парчасы оларакъ, даима къуветини муафаза этеджескир!»**.




Язиджы, шаир Рефат агъа Чайлакъ 85 яшында!

13 февральде язиджы, шаир, миллий аркет ветераны, судаклы Рефат агъа Чайлакъ 85 йыллыгыны къайд этти. Шу себептен, 14 февраль куню мектебимизде бу тантаналы кунге багъышлангъан тедбир откерилиди. Мектебимизде язиджынынъ шиирлери янъгырады, талебер юбиларгъа оюн, йырлар багъышладылар.

Рефат Чайлакъ 13 февраль 1933 сенеси Судакъ районнынъ Токълукъ коюнде дюньягъа кельди. Он бир яшында бутюн халкънен сюргюн этилиди. Койлю мектепни битирип, Ташкент гидромелиоратив техникумгъа кире. Озь Ватанына къайгырыш шиирлерни язмагъа башлай. 1994-2001 с. Рефат Чайлакънынъ биринджи джыйынтыкълар дюнья юзюни корьдилер: «Босагда» («На пороге»), «Седа» («Эхо»), «Меним Ватаным» («Родина моя»). Шимди язиджы Судакъ



шеэринде яшай.



Мектебимизде «Йылдызлар» ансамбли



13 февраль куню мектебимизге белли кырымтатар ансамбли «Йылдызлар» кельдилер. Яш йырджыларымыз ве оюнджыларымыз мектеп талеберлерини пек къувандырдылар. Белли кырымтатар йырджы Сервер Какура талеберлеримизнен чокъ земаневий кырымтатар йырларны иджра эттилер. Сервер агъа мектебимизге янъы йырлар иле диск багъышлады.



Тиль – энъ кыйметли байлыгъымыз



9 февральде мектебимизде «Язык—душа народа» ярышнынъ муниципаль этапы кечирилиди. Гъалебе къазангъан ве инштирак эткен талеберлеримизни хайырлаймыз!

21 февраль – халкъара ана тили куню

Февральнинъ 21 бутюн дюнъя халкъара Ана тили куню оларакъ къайд эте. Мектебимизде де бу кунъге багъышлагъан чокъ тедбир отъкеришди. Бутюн афта девамында талелелеримиз ичюн ярышлар, меракълы, шенъ дивар газеталар, конкурслар кечирильди. Афтанынъ сонъунда буюк сыныфлар арасында «Не? Не ерде? Не заман?» интеллектуаль ярышы кечирильди. Талелелеримиз де бу кунъ черчивесинде озълерини актив алып бардылар. Башлангъыч сыныф талелелери мектепке миллий къыяфет иле кельдилер. Мектебимизде бойле тедбирлеримиз чокъча кечирильсин. Ана тилимиз янгъырасын!

Тарихий малюмат

- Къырымтатар тили – Алтай тиль аилесине кирген тюркий тилрге менсюптир.
- Къырымтатар тилинде III шиве бар:

– Ялыбойлю (дженубий)
– Чель (шималий, ногъай)
– Орта ёлакъ (тат)

Къырымтатарларнынъ шивелери араларында буюк фаркъ олгъаны къырымтатар халкънынъ этногенези муреккеп олгъанынен

ангълатыла. Къырымтатар тилининъ земаневий тарихи 19 асыр сонъунда мешур маарифчи Исмаил Гаспринский фаалиети иле башланды. Асылында, Гаспринский къырымтатар эдебий тилини яратты. Шу тилининъ эсасы ялыбойлю шивеси эди.

1928 сенесине къадар къымтатар тили ичюн арап уруфаты, 1928-ден, 1939 сенесине къадар латин, 1939 сенесинден берли – кирил уруфаты къулланылды.



1990 сенелеринден берли, 1997 сенеси Къырым Юкъары Шурасы къарарынен тасдыкъ этильген латин уруфатына яваш яваш кечюв япылмакъта.

Шимдики заманда эм кирил, эм де латин уруфатлары къулланылалар. Шунъ кайд этмек керек ки, интернетте, эсасен, латин уруфаты ишлетиле, факъат китаплар, меджмуалар кирил уруфатынен басыла.

«Тиль – халкънынъ энъ буюк байлыгъыдыр»



«Къырым эвляды» газетасы

Къырымтатар тилинде айда бир кере нешир этиле.

Баш муаррир: Ф. Аблялимова

Муарриет: Эмине Усеинова, Эльвина Умарова

Бизим адресимиз: Судакъ ш., Бирюзова, 7 сокъагъы

Сайтымыз: <http://sudak-school3.ru>
qirimevlyadi@mail.ru